

同治徐州府志卷第二十五

敘錄

道光中世熊從先子宦往來蕭礪宿睢聞經劉項故里及劉宋朱梁之遺蹟未嘗不歎網緼磅礴之氣孕毓英傑萃爲名都由是疏紀道里品量人物以爲自古關洛之盛弗能過也旣而佐戎徐州寇難方棘因究山川阨塞之要民俗風土之變而忻先已承檄從事河防邂逅輒憂歎相與講求徐土利病蒐攷方志蓋停修闕畧百餘載矣當是時粵逆踞金陵渡江北犯徐當其衝陷豐蹂躪諸下邑候騎數傳郡城下而兗豫匪徒復大起烽火彌望潰兵悍卒縱暴里閭田疇荒蕪百姓恫恐蕩析剝劫若焚絲之不可理其閒殉義蹈死與夫兵農河瀆治術變革之故

敘錄

同治徐州府志卷第二十五

一

殆不勝紀嗚呼不有述載其何以飭官守昔漢高入秦蕭何獨收圖籍具知天下形勢張禹使屬朱贇條記風俗班固因之作地理志嗣後纂述輿地無慮數十家我朝箸之令甲命守土吏典修方志弗敢荒棄舉夫封域陵谷建置興廢災祥政事之紀忠誼偉節循吏名賢孝子弟弟貞婦淑女之行風俗徭賦版籍齋祀之數祠墓遺蹟詩文謠詠之傳關梁險阻之所倚川流徙移之所經總括明辨儷於

國史述往事詔來禩所以彰勸兆庶敷理政教而納民於軌物者也然而不得其人則悠謬冗贅同於胥史之爲而矜雅贍者則又偏於述古而不屑懃懃於當世之務或且緣飾失實蕞陋不備勸懲不足信文獻無所徵蓋可慨已徐志不知所自始明

時宏治嘉靖萬厯間皆接輯之書已散佚至

國朝順治十年淮徐兵備胡廷佐知州余志明重修越七十年為康熙六十一年知州姜焯復輯之又越二十一年為乾隆七年改州為府而知府事石杰編纂延虞山侍御王峻同庀其事又越百三十一年為

龍飛同治之十一年世熊奉

命監司徐海忻方為徐郡守皆視事數年矣兩人故知契會同官捍牧圉昔嘗究心於徐政者也竊幸羣醜盪殄民咸安其居樂歲粟米豐溢士食舊德而野人力穡藉以務休養飾閭陋顧念官政繁猥吾民率義向方忠貞卓立之輩接跡及今勿紀陵夷放失後將無可網羅矣時今粵東撫張公方督河漕出官緝

敘錄

同治徐州府志卷第二十五

二

為始倡乃謀之郡屬諸邑令及鄉士大夫僉惟子從於是列史籍稽公牒訪求故老惇獨之行囑筆於友人劉君庠方君駿謨及方君令子楷商核名例綜要而經緯之其夏四月志事始舉再葺而成書用以彰顯闡幽拾遺補藝資於故實庶幾奉遵科教班揚法令兢惕自奮當官而行雖不足化民成俗語於循良之治抑亦可以無滋罪戾矣夫乃為之敘曰

王猷允塞

六龍弭旆觀政訓俗民大和會

賡歌洋洋神哉遐沛漢帝封禪爰乃知外

臣世熊臣忻

恭紀

宸翰第一

宅此徐土刊山浚渠申畫郊圻相協厥居裴制六體賈正八隅

析以疆索是究是圖述輿地圖第一

列府寺鞏城郭莅政司局而奸慝不作述建置圖第二

觥觥禮堂倫紀攸飭纂組藝文於焉游息棖楹穹隆於論鼓鐘
橫琴束帶絃誦雍容述學校圖第三

洛下運籌靡間翽忽研幾失微昏昕乃汨測紀樞度景端表揭
述晷度表第一

唐虞建邦肇啟留呂有革有因綺錯疆圉區壤辨名以隸百緒
述沿革表第二

吳導涓涓楚塞夷庚角雄逐勝倣擾我氓祥祲占應曰針曰貞
德音遐暢泰階以平述紀事表第三

濟濟翔翔朱芾黼裳靖共弭悔傲虐敗常或剛而折或柔而荒
敘錄

同治徐州府志卷第二十五

三

君子泣止勉爾中行述職官表第四

贊功分胙錫茲土田維藩維垣名號以宣嬪世墜緒亡也忽焉
述爵封表第五

矯矯羣彥紆綬端鞞徵庸殊塗宣力則一進矢忠貞退守恬謚
儀爾邦族多士用佶述選舉表第六

迹已埋名可傳援遺編景昔賢述人物搜古表第七

奉若天紀敷訓地形惟土物愛程民之經芸芸保居邳圻徐垆
範性飭俗罔俾麗刑述輿地攷第一

嶂以葛嶧襟以汜泗通氣含靈川阻谷邃呂梁懸濤儻爲平阜
孰險可恃棄德則撓述山川攷第二

膾膾徐原則壤成賦互之麥菽相土藝樹毋滋異種末利是鶩

謹爾蓋藏敬供歲輸述田賦攷第三

齧桑旣浮焚捷用修螿穴不慎潰爲洪流桓桓斬公翊贊

睿謀石菑肇建實勤大猷述河防攷第四

明禋雩祭報功川麓敬共秩祀勿詔勿黷亦有哲人捍患勤牧具歆嘉薦降爾遐福述祠祀攷第五

清泗之源實始鄒魯統道承流蔚爲文圃鏘鏘瑤珉峩峩章甫遵業潤色於是道古述學校攷第六

壘且高矣民且勞矣紛入保矣庶無潰逃矣公家葺營趨役有程毋荒厥時毋隳厥成述建置攷第七

鄉有同卒有伍宋曰軍唐曰府鎮巖圍闕虢虎戢姦宄蘊神武述兵防攷第八

敘錄

同治徐州府志卷第二十五

四

山之岑澗之濱一詠一嘯慨懷幽人荒堞故壘梵跡仙塵綴以古藻文采軼倫述古蹟攷第九

中壘遺編爰有七畧羣儒嗣音彬彬述作在昔泯亂放散紕錯紉紀篇簡貽我桀黷述經籍攷第十

潛輝幽隧襲珍巖阿片石之貽神物撝呵宜昭往懿詮正史譌泗亭泐銘鴻文不磨述碑碣攷第十一

惟牟惟袁實號良牧羣公惠闔齊軌共轂瘁躬保障殫心育鞠懷我風愛奉嘗尸祝述宦績傳第一

邳山降靈篤生俊哲瓌采特達允矣邗傑或出或處砥行植節綜括藝林遐邇世繼揚風醜流景矚前烈述人物傳第二

婦德無名邁閔乃彰艱貞蹈義風烈郁芳具昭幽媿備采敢史

述列女傳第三

述異聞撰軼事齊諧俶詭亦寓美刺述志餘第四

敢詡精研敢訾舊編援證典記諮諏里賢端緒繁錯襲沿變遷
或舛或囿大雅繩愆述敘錄第五

敘錄

同治徐州府志卷第二十五

五

代理徐州府學教授丁鎮瀛校

徐州府志後序

咸豐十年八月

堯辰

奉檄守徐州是時大盜踞金陵江南北騷

然異軍特起者往往游奕於潁亳宿壽諸境烽火遍及徐之旁

縣於是勦賊之兵以徐為孔道月凡十數往來

堯辰

既視事撫

死亡殘敗之眾日與士民議戰守供芻糧兢兢焉恐隕越貽羞

既而金陵復寇漸平而徐境猶擾攘

堯辰

於軍書旁午之時蓋

無日不思與民休息欲以禮樂文教漸摩其梗頑而振興其士

氣間常攷地志憫其缺而不修滋以為懼方擬延訪郡之賢士

大夫議所以續往紀而詔後來者未幾罷郡常耿耿以未竟其

志為憾閱數年今太守山陰朱公來知府事又二年而仁和吳

公觀察徐海二公之為政寬仁嚴肅民歌其惠吏畏其威於是

序

同治徐州府志

一

百務張舉粲然可觀乃議重修郡志延南豐劉君慈民中翰陽

湖方君元徵直牧及其令嗣子可國博闢館於署之東偏備書

籍稽檔案勤採訪舉凡星晷之度數輿地之沿革山川之脈絡

與夫往哲徽懿士女貞孝名流歌詠無不稽古證今條分件係

歲再周而書成凡二十五卷當是時二公與諸君子討論切究

有疑必析無奇不搜蓋昕夕無間而又以其暇命酒為歡

堯辰

亦得與末座竊見觥籌交錯之時諸君子相與上下其議論不

苟同不立異筮簧六籍出入百氏雄辨偉詞鏗戛金石一時庭

軒花柳與夫翔鳥游魚亦莫不茂豫軒翥欣欣若自得於以知

二公之專精於是書而諸君子之研精殫思以相與有成也蓋

變亂之後民始蘇息舊志漫漶文獻無徵此邦之人以為役鉅

事繁非累數稔集多人殫財耗費不能以就緒而二公則內盡其心外盡其力兩載之間無張皇無促迫而功以告具其敏且速有非常人意計所及者夫徐爲天下壯郡地廣民殷政務叢脞經兵革之餘尤號難治二公蒞郡五載閭閻之利病吏治之張弛無一不以內盡其心外盡其力者爲之馴致年穀豐穰氓庶樂業堯辰雖未克抒其志以加惠於徐之人而快覩夫二公之設施以謂適如其願則此志之成豈非徐人之厚幸而堯辰所尤樂身親其盛者哉同治甲戌冬前知徐州府事成都汪堯辰撰

序
同治徐州府志

